



Kattusseqatigiit Partiiat

04 August 2011

Inatsisartut Suleriaasianni § 37, imm. 1 naapertorlugu Naalackersuisunut apeqqut imaattoq matumuuna saqqummiuppara:

Sinerissap qanittuani raajarniutitut 500 BT sinnerlugu angissusilinnut akuersissuteqartarneq pillugu apeqqutit.

(Inatsisartunut ilaasortaq Knud Fleischer, Kattusseqatigiit Partiiat)

Tunngavilersuut:

Angallatit arfinillit 500 BT sinnerlugu angissusillit ullumikkut sinerissap qanittuani raajarniarnissamut akuerisaasimapput. Akuersissut ”Enoksen-ataatsimiititaliamit” innersuussinikkut tunniunneqarsimasoq paasinarpoq.

Kattusseqatigiit Partiiata annilaangassutigivaa, aalisartunit ilisimatinneqarsimanerit tunuliaqutaralugit, sinerissap qanittuani raajat amerlassusaat, angallatit annerusut aalisapilunnerisa kinguneranik, kisimik eqqungaassanngittut, aammali sinerissap qanittuani imartaq.

Tamanna tunuliaqutaralugu Naalackersuisut apeqqutit tulliuuttut akinissaat piumasaraarput:

1. Naalackersuisut akuersissutit tunniunneqarsimasut sinerissap qanittuani imartamut raajallu amerlassusaannut sunniutissaanik misissuititsisimanerlutik?
2. Apeqqut siullermut tunngatillugu, akuersissutinik taaneqartunik ingerlatsiinnarnissaq nunap avatangiisaanut naalackersuinikkut mianerinninniarnermut naapertuutissanerluni?
3. Naalackersuisut akuersissutit taaneqartut atuukkunnaartissinnaanerannut periarfissaqarsinnaanerlutik?

4. Naalackersuisut akuersissutininik atuukkunnaarsitsinissap toqqaannartumik aningaasaqarnikkut, nunatsinnut aammalu umiarsuaateqarfinnut eqqugaasussanut, kingunissai qanoq isikkoqassanersut nalilersorsinnaavaat?
5. Qanormi toqqaannanngikkaluamik akuersissutininik atuukkunnaarsitsineq fabrikinut, angallatiniit pineqartuniit raajanik pilersorneqartunut, aningaasatigut suliffeqarniarnikkullu, kinguneqarsinnaava?
6. Aalisarnermik inatsisissamut siunnersuutit saqqummiunneqarnissaanut atatillugu Naalackersuisut aalajangersakkat sinerissap qanittuani angallatit 500 BT sinnerlugu angissusillit atorunnaarsinnissaanik qulakkeerinnittussat sulissutiginiarpaat?